

RTK 1  
Mentor SHALA  
Drejtor  
Prishtinë

Ankesa Nr. 2017/204 KPM vs RTK 1  
Ref:1711/1273/KPM/am

### VENDIM

#### **Lidhur me Ankesën nr. 2017/204 – Komisioni i Pavarur i Mediave (KPM) kundër RTK 1 ("Pala Përgjegjëse")**

---

#### Faktet

1. Pala Përgjegjëse është transmetues publik me seli në Prishtinë. Pala Përgjegjëse është pajisur me licencë të KPM-së me datën 28 gusht 2009. Pranimi dhe nënshkrimi i Licencës obligon të Licencuarin që të veprojë në përputhje me Ligjin e KPM-së dhe me të gjitha aktet nënligjore të miratuara nga KPM.
2. Komisioni i Pavarur i Mediave (KPM) është përgjegjës për zbatimin e Kreut VIII të Ligjit Nr. 03/L-073 për Zgjedhjet e Përgjithshme në Republikën e Kosovës, me anë të të cilit përcaktohet sjellja e mediave gjatë fushatës zgjedhore. Duke u bazuar në kapitullin e VIII të këtij Ligji, KPM ka nxjerrë Udhëzuesin për të ndihmuar të licencuarit që të veprojnë në pajtim me Ligjin për Zgjedhje.
3. Pala Përgjegjëse me Vendim të Komisionit të KPM të datës 10 gusht 2017 është dënuar me Vërejtje për shkeljet e bëra gjatë fushatës zgjedhore në Zgjedhjet e Përgjithshme 2017 në Republikën e Kosovës, duke transmetuar spote politike me prezencë të fëmijëve.
4. KPM me datën 21 shtator 2017 i ka dërguar Palës Përgjegjëse Udhëzuesin për zbatimin e Kreut VIII të Ligjit Nr. 03/L-073 për Zgjedhjet e Përgjithshme, me qëllim që t'i ofrohen udhëzime për respektimin e dispozitave ligjore gjatë mbulimit të fushatës dhe heshtjes zgjedhore në Zgjedhjet Lokale në Republikën e Kosovës.
5. KPM bazuar në raportin e monitorimit të datës 19 tetor 2017, gjatë monitorimit të fushatës zgjedhore për pajtueshmërinë e Palës Përgjegjëse me Ligjin Nr. 03/L-073 për Zgjedhjet e Përgjithshme, ka gjetur se Pala Përgjegjëse ka transmetuar spotin politik të subjektit politik AKR, në kohëzgjatje prej 10 minuta e 25 sekonda.
6. KPM në bazë të të gjeturave nga raporti i monitorimit, me datën 19 tetor 2017, i ka dërguar Njoftim për Shkelje Palës Përgjegjëse, me të cilin është njoftuar për shkeljet e bëra dhe i është kërkuar të ndërpresë menjëherë transmetimin e spotit politik më të gjatë



se dy minuta, duke i bërë me dije që dështimi për të vepruar në pajtim me Ligjin Nr. 03/L-073 për Zgjedhjet e Përgjithshme do të rezultojë me inicimin e procedurave ligjore sanksionuese ndaj RTK 1.

7. KPM ka pranuar përgjigje nga Pala Përgjegjëse me datën 20 tetor 2017, me pretendimin se nuk kanë bërë shkelje të Ligjit Nr 03/L-073 për Zgjedhjet e Përgjithshme pasi që “hapësira e sponsorizuar nga AKR gabimisht është cilësuar nga KPM si spot politik me pagesë, andaj si i tillë që është, nuk përbën shkelje të rregullativës përkatëse ligjore.”

### Analiza Ligjore

8. Komisioni bazuar në faktet dhe analizat e lartpërmendura konstaton se Pala Përgjegjëse gjatë fushatës zgjedhore për Zgjedhjet Lokale 2017 në Republikën e Kosovës ka transmetuar një spot politik me pagesë të subjektit politik AKR në kohëzgjatje prej 10 minuta e 25 sekonda, duke vepruar në kundërshtim me nenin 49, paragrafi 1, të Ligjit Nr. 03/L-073 për Zgjedhjet e Përgjithshme, i cili përcakton se:

*“Pikat reklamuese politike nuk janë më të gjata se dy (2) minuta (120 sekonda).”*


9. Komisioni konstaton se Pala Përgjegjëse edhe pas Njoftimit për Shkelje të KPM-së, ka dështuar që të marrë hapa të nevojshëm për të vepruar në pajtueshmëri me Ligjin Nr. 03/L-073 për Zgjedhjet e Përgjithshme, duke vazhduar të transmetojë spotin politik të AKR-së me të gjatë së 2 minuta.

### Vendimi

10. Komisioni bazuar në faktet dhe analizat e lartpërmendura konstaton se Pala Përgjegjëse ka bërë shkelje të nenit 49, paragrafi 1, të Ligjit 03/L-073 për Zgjedhjet e Përgjithshme. Nr.
11. Komisioni bazuar në nenin 30, paragrafi 1.3, të Ligjit Nr. 04/L-44 të KPM-së sanksionon me gjobë në vlerën prej 1.000 (njëmijë) euro Palën Përgjegjëse për shkelje të nenit 49, paragrafi 1, të Ligjit Nr. 03/L-073 për Zgjedhjet e Përgjithshme.

### E drejta për Ankesë

12. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
13. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.

  
Adnan MEROVCI  
Kryetar



08.11.2017  
Datë